

অধিকার লাভ করেছে। কেননা জীবের মধ্যে মানুষই শ্রেয়ের ক্ষুরধার-নিশিত ছুর্গম পথে ছুংখকে মৃত্যুকে স্বীকার করেছে। সে সাবিত্রীর মত যমের হাত থেকে আপন সত্যকে ফিরিয়ে এনেচে। সে স্বর্গ থেকে মর্ত্যালোকে ভূমিষ্ঠ হয়েছে, তবেই অমৃত-লোককে আপনার করতে পেরেচে। ধর্মই মানুষকে এই ঘন্বের তুফান পার করিয়ে দিয়ে, এই ঐশ্বৰ্যে, অমৃত, আনন্দে, প্রেমে উত্তীর্ণ করিয়ে দেয়। যারা মনে করে তুফানকে এড়িয়ে পালানোই মুক্তি—তারা পারে যাবে কি করে? সেই ক্ষণেই ত মানুষ প্রার্থনা করে,—অসতো মা সদগময়, তমসো মা জ্যোতির্গময়, মৃত্যোর্গামৃতং গময়। “গময়” এই কথার মানে এই যে, পথ পেরিয়ে যেতে হবে, পথ এড়িয়ে যাবার জো নেই।

আমার রচনার মধ্যে যদি কোনো ধর্মতত্ত্ব থাকে, তবে সে হচ্ছে এই যে, পরমাত্মার সঙ্গে জীবাত্মার সেই পরিপূর্ণ প্রেমের সম্বন্ধ উপলব্ধিই ধর্মবোধ, যে-প্রেমের একদিকে বৈত, আরেক দিকে অবৈত; একদিকে বিচ্ছেদ, আরেক দিকে মিলন; একদিকে বন্ধন, আর একদিকে মুক্তি। যার মধ্যে শক্তি এবং সৌন্দর্য্য, রূপ এবং রস, সীমা এবং অসীম এক হয়ে গেছে; যা বিশ্বকে স্বীকার করেই বিশ্বকে সত্যভাবে অতিক্রম করে, এবং বিশ্বের অতীতকে স্বীকার করেই বিশ্বকে সত্যভাবে গ্রহণ করে; যা যুদ্ধের মধ্যেও শাস্তকে মানে, মন্দের মধ্যেও কল্যাণকে জানে এবং বিচিত্রের মধ্যেও এককে পূজা করে। আমার ধর্ম যে-আগমনীর গান গায়, সে এইঃ—

ভেঙেছ দুয়ার, এসেছ জ্যোতির্শয়,

তোমারি হটক জয়!

তিমির-বিদার উদার অভ্যুদয়,
 তোমারি হৃদক জয় !
 হে বিজয়ী বীর, নবজীবনের প্রাতে
 নবীন আশার খড়গ তোমার হাতে,
 জীর্ণ আবেশ কাটো স্নকঠোর ঘাতে
 বন্ধন হোক ক্ষয় !
 তোমারি হৃদক জয় !
 এস দুঃসহ, এস এস নির্দয়,
 তোমারি হৃদক জয় !
 এস নির্মল, এস এস নির্ভয়,
 তোমারি হৃদক জয় !
 প্রভাতসূর্য্য, এসেছ রুদ্রসাজে,
 দুঃখের পথে তোমার তূর্য্য বাজে,
 অরুণ বহি জ্বালাও চিত্তমাঝে,
 মৃত্যুর হোক লয় !
 তোমারি হৃদক জয় !

শ্রীরবীন্দ্রনাথ ঠাকুর ।
